

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

Imm. 02 Sisimiut illoqarfianni atuarfiit iluarsartuunnissaat

Imm. 03 Tamalaat.

Ataatsimiinneq aallartippoq nal. 09.00
Videokonference-mik ataatsimiinneq ingerlanneqarpoq.

Peqataasut:

Atassut

Søren Alaufesen
Karl Davidsen, Maniitsoq

Inuit Ataqtigii

Katrine Larsen Lennert

Siumut

Hermann Berthelsen
Karl Lyberth, Maniitsoq

Nalunaaruteqarlutik peqataanngitsut:

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Atuarfiit marluk pisortaat Bodil Brandt aamma Emil Larsen peqataatinneqarput ilisimasalittut saqqummiinnaassammata apeqquteqarfigineqarsinnaassammatalu.

Imm. 02 Sisimiut illoqarfianni atuarfiit iluarsartuunnissaat

Journalnr. 09.22

Tunuliaqutaq

Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisup Mi-mi Karlsen-ip novembarip 11-ni 2009-mi allakkamigut nalunaarutigivaa, Sisimiut illoqarfianni atu-arfiit iluarsartuunnissaannut akisussaaffik Qeqqata Kommuniata tigusinnaagaa, tassungalu atatillu-gu aningaasanut inatsisikkut iluarsartuussinissamut aningaasaliissutaasut malinnaatillugit. Aningaasaliissutillu taakku Aningaasanut 2010-mut Inatsisissap akuersissutigineqarnerani 36 mio. koruuni-nik qaffaqinneqarnissaat ilimagineqarluni.

Ineqarnermut, Attaveqarnermut Angallannermullu Naalakkersuisoqarfiup decembarip 14-ni 2009-mi mail-ikkut tigusinissamut atatillugu Minngortuunnguup Atuarfiani Nalunnguarfiullu Atuarfiani iluarsartuussinissamik, allanngortiterinissamik ilasinissamillu isumaqatigiissutissatut siunnersuut nassiuppa. Siunnersuutip 2007-imiit 2018-mut killiliussatut aningaasartaralugit 122 mio. koruunit, taakkuninngalu 631.343 koruunit atorineqareersimallutik.

Maleruagassatigut tunngavissaq

Sisimiut illoqarfianni atuarfinnik iluarsartuussinissami akisussaaffik kommunip tigussaguniuk, taava kommuni ajutoortoqassagaluarpat akisussaaffissaq annertoq ilanngullugu tigussavaa, taamaattumillu kommunalbestyrelsi aalajangiisuusariaqarluni.

Naalakkersuisoqarfiup Tigusinissami isumaqatigiissutissatut decembarip 12-ini 2009-mi siunnersuutaani takuneqarsinnaavoq, sanaartornissami/iluarsartuussinissami tulluuttut piumasaqaataasut:

- Atuarfik pillugu Inatsisartut peqqussutat nr. 8, 21. maj 2002-meersoq.
- kiisalu suliffeqarfik suliarinnittussatut toqqagaasoq Kalaallit Nunaaneersuup-pat, Kalaallit Nunaanni inuussutissarsiummik ingerlataqarneq pillugu Inatsisartut inatsissaat [nr. 12, 12. november 2001-imeersumi piumasaqatitut](#).
- Illuliassanuta sanaartugassanullu neqeroortitsisarneq pillugu Namminersornerullutik Oqartussat nalunaarutaat nr. 15, 5. juli 2007-imeersoq.

Pissutsit atuuttut

Sisimiut Kommunerisimasaat kingusinnerusukkullu Qeqqata Kommuniat Sisimiut illoqarfianni atu-arfiit iluarsartuunneqarnissaat pillugit annertuumik allakkatigut saaffiginissuteqartarnikuupput. Kommunillu arlaleriarluni oqaatigisarlugu, Sisimiut illoqarfianni atuarfiit iluarsartuunneqarnissaannut aningaasaliissutaasut annikippallaarujussuurtut.

2009-p affaani siullermi Namminersorlutik Oqartussat Sisimiut illoqarfianni atuarfiit iluarsartuun-nissaannut siunnersuutit arlallit Qeqqata Kommunianut nassiuppaat. Aallaqqaammut februaarip 23-ni 2009-mi tulluuttut marluk periarfissatut siunnersuutaallutik:

1. Atuartut tamakkerlugit Nalunnguarfiup Atuarfianut katersuutsinneqassasut, pisariaqartuti-gullu ilasinerit allanngortiterinerillu pissasut.
2. Minngortuunnguup Atuarfia atuarfittut atorunnaassasoq, minnernullu atuarfiussatut iluar-sartuullugulu allanngortiterneqassasoq, Nalunnguarfiullu Atuarfiani akulliit angajulliillu illoqarfik tamakkerlugu atuutilissasoq.

Aammalu tullianik apriliip 8-ni 2009-mi atuarfinni taakkunani marluusuni iluarsartuussinissat arlallit siunnersuutigineqarlutik, tamatumani kommuni atuarfiit taakku iluarsartuunnissaannut aningaasaliissutaasut arlariit katillugit 85,8 mio. koruuninik aningaasartallit tigussagai namminerlu nakkutigalugit. Aaqqiiniutissatullu siunnersuut taanna, Naalaakkersuisup novembarip 11-ni 2009-mi naqissuserpaa, massakkulli 36 mio. koruuninik qaffallugu.

Naalakkersuisoqarfiup Tunniussinissamik isumaqatigiissutissatut decembarip 12-ni 2009-mi siunnersuutaa naapertorlugu, Atuarfik pillugu Inatsisartut peqqussutat nr. 8, 21. maj 2002-meersoq pillugu piumasaqaatit pingaaruteqarneraasorinarpoq. Tassani Atuarfitsialak pillugu killiliussat pingaarnerit takunneqarsinnaallutik, ilaatigut:

Immikkoortui sivilissusaalu

§ 4 stk. 1

Alloriarfinni ataasiakkaani atuartut klassinut ukioqatigiiaanut imaluunniit ukioqatigiiaanngikkaluanut agguanneqassapput atuartitsissutinilu ataasiakkaani atuartitsissutinillu akimuilluni ingerlatitsiffiusuni ingerlaqatigiinnilu nikerartuni, alloriarfimmi pineqartumi klassinut ataasiakkaanit arlalinnilluunniit atuartulinnik katitigaasuni atuartinneqassallutik, atuartut ataasiakkaat ilikkagassatut anguniagassanut naleqqiullugu pisariaqartitaat soqutigisaallu aallaavigalugit.

Imm. 2. Atuartut alloriarfiit akimorlugit klassinut ingiaqatigiinnullu (holdinut) inissinneqarsinnaasapput, atuartut ukiumikkut agguataarnerisa tamanna periarfissaqartippassuk.

Imm. 3. Klassinik pilersitsinermi anguniarneqassaaq atuartut kalaallisut ilitsoqqussaralugu oqaasillit atuartut kalaallisut ilitsoqqussaralugu oqaasiliunngitsut , atuartut tamarmik amerlassusaannut naapertuuttumik agguanneqarnissaat.

Immikkut ittumik atuartitsineq aamma allatut immikkut perorsaanikkut ilinniartitsinikkullu ikiorsiisarneq

§ 14.

Atuartut piginnaasamikkut ajornartorsiuteqarnertik pissutigalugu nalinginnaasumik atuartitsinerup iluani immikkut ikiorserneqarnissaminnik pisariaqartitsinerat tunniunneqarsinnaanngippat, immikkut atuartinneqassapput allatullu annertusisamik immikkut perorsaanikkut ikiorserneqassallutik.

Atuartitsinerup aaqqissornera

§ 17.

Atuartitsissutini tamani atuartitsinerup aaqqissornera, atuartitseriaatsit suleriaatsillu atoruma-sat ilanngullugit, periutsit, atuartitsinermilu atortut atortussanillu atugassanik toqqaasarneq atuarfiup siunertaanut, alloriarfiit ataasiakkaat siunertaannut, atuartitsissutit ataasiakkaat atuartitsissutillu qanitariissut siunertaannut aamma ilikkagassatut pilersaarutinut naapertuuttuussapput. Atuartitsineq allanngorartuussaaq, atuartut ataasiakkaat pisariaqartitaannut piginnaariigaannullu naapertuuttuussalluni.

Sumiiffinni ataasiakkaani aqutsineq

§ 38, imm. 3

Atuarfiup ilusiligaanera, tamatumunnga ilanngullugit atuarfiit amerlassusissaat aamma atuarfiit ataasiakkaat alloriarfiit, klassii, immikkut atuartitsineq immikkullu perorsaanikkut ikiorsiisarnerit § 14-imi eqqartorneqartut kiisalu § 9, imm. 7 malillugu perorsaaneq tunngavigalugu nammineq piumassuseq naapertorlugu sammisassanik neqerooruteqarnerit. Aalajangiineq pisassaaq atuarfinni siulersuisut oqaaseqaateqareernerisigut.

Aningaasalersuineq

§ 47.

Atuarfimmi atuartitsinermut, sanaartornermut ulluinnarnilu ingerlatsinermut aningaasartuutit taamaasa kommunit aningaasartuutigisassaraat, aningaasartuutit pineqartut tamakkiisumik ilaannakortumilluunniit Namminersornerullutik Oqartussanit allanilluunniit aningaasartuutigineqarnissaat inatsisitigut erseqqilluinnartumik tunngavissalernerqarsimanngippat.

**Qeqqata Kommunia - Aningaasaqarnermut ataatsimiititaliap januaarip 6-ani 2010-mi
immikkut ittumik ataatsimiinnerata 01/2010 imaqarniliornera**

Taamaakkaluartorli ersarissunik kvadratmeterinut il.il. angissusiliineqarani, taamaammat allaffeqarfik naliliilluni, Nalunnguarfiup Atuarfiani pisariaqavissuinnartigit iluarsartuussinissaq naammaginnassasoq. Misissuigallarnerit takutippaat, pisariaqartutiguinnaq iluarsartuussigallarnissami aserfallatsaaliinikkut isumagisariaqaqqanut killiliisoqarsinnaavoq. Tamakkulu tassaasinnaallutik igalaanik taasersuinerit, qilaami qullit, anerasaartarfusamut matut taasersorneri, sannavimmi qimaaffissaliineq, ikaartarfiup ikuallattoqartillugulu matut taarseneri.

Matuma qulaani Inatsisartut peqqussutaasa inatsisaasalu taaneqartut saniatigit, allaffeqarfiup maluginiaqqussavaa, januaarip 1-aniit 2007-mi nutaamik sanaartornermi malittarisassiortoqarnikummat. Tamatuma kingunerissallugu, siusinnerusukkut missiliuutaagaluit annertuutigit qaffallugit iluarsiiqqisariaqassagunarmata, tassa oqorsaasersuinissamik piunasaqaataanerulersut isertarfinnullu tunngasut peqqutigalugit. Matuma siuliini taaneqartut Nalunnguarfiup Atuarfiani aserfallatsaaliinertut ilusilinnik iluarsartuussinissat taama killilerlugit suliarineqassanngippata, nutaatut innarluutinnut tulluarnerusunik isertarfiinissat oqorsaasersuinissallu aningaasartuuteqalernerujussuanngorsinnaanissaq ajornartorsiutaalersinnaavoq.

Maluginiassallugu pingaaruteqarsinnaavoq, tunniussinissamik isumaqatigiissutikkut atorineqarmat, atuaqatigiikkaat sisamakkaat klassinut alloriarfinnut qulinoortunut inimi ataatsimi atuartut 26-inik amerlanerulissagaluarpata, taava siunissami atuarfiit allinissaannut Namminersorlutik Oqartussat kommunimit isumaqatigiinniuteqassapput.

Aningaasaqarnikkut allaffissornikkullu kingunerisinnaasai

2001-mi Namminersornerullutik Oqartussat Kalaallit Nunaanni atuarfeqarfinnut pilersaarusiamik suliaqartitsipput, Kitaani ataatsimut katillugit 982,4 mio. koruuninik naleqartunik. Sisimiut illoqarfiata atuarfiinut marluusunut tassa Minngortuunnguup Atuarfianut Nalunnguarfiullu Atuarfianut pilersaarutit 85,0 mio. koruuninik 77,7 mio. koruuninillu naleqarlutik.

2003-mi Namminersornerullutik Oqartussat KIIP aqqtugalugu avammut saqqummiuppaat ”Meeqqat atuarfiini immikkoortunut pilersaarusiaq”, illoqarfinni atuarfinnik (nunaqarfinni atuarfiit ilanngullugit) iluarsartuussinissami nutaamik aningaasaliinissamik imalik. Tamatumuuna iluarsartuussinissamut aningaasartuutissat 588,3 mio. koruuninngorsimallutik, Sisimiullu illoqarfianni atuarfiit eqqarsaatigalugit Minngortuunnguup Atuarfianut 45,9 mio. koruuniullutik, kiisalu Nalunnguarfiup atuarfianut 27,8 mio. koruuniullutik.

Taamaalilluni ataatsimut isigaluni aningaasartuutissat 2001-mi 982,4 mio. koruuniniit 2003-mut 588,3 mio. koruuninut appariaateqaraluit, tassalu 40 procentit nalinginik. Sisimiuni atuarfinnut marluusunut appariaatit Minngortuunnguup atuarfianut 39,1 mio. koruuniullutik imlt. 46 procentiulluni, kiisalu Nalunnguarfiup Atuarfianut 49,9 mio. koruuniulluni imlt. 64 procentiulluni.

Tamatuma malitsigisaanik Aningaasanut inatsimmi aningaasartai iluarsiiqqisimallutik. Illoqarfinni minnerusuni atuarfinnut arlalinnut aningaasartaat 2001-mi pilersaarusiaaqaartumut sanilliullugit qaffariaateqarlutik.

Taamaalilluni Qaanaami iluarsartuussinissaq 47,0 mio. koruuneqartussanngorluni, 38,0 mio. koruuninut pilersaarutaasimagaluanut sanilliullugu.

Qasigiannuani Aningaasanut inatsisikkut 42,0 mio. koruunit immikkoortitaallutik, 36,0 mio. koruuninut pilersaarutaasimagaluanut sanilliullugu.

Narsami Aningaasanut inatsisikkut 61,5 mio. koruunit immikkoortitaallutik, 43,0 mio. koruuninut pilersaarutaasimagaluanut sanilliullugu.

Paamiuni Aningaasanut inatsisikkut 46,4 mio. koruunit immikkoortitaallutik, 45,0 mio. koruuninut pilersaarutaasimagaluanut sanilliullugu.

**Qeqqata Kommunia - Aningaasaqarnermut ataatsimiititaliap januaarip 6-ani 2010-mi
immikkut ittumik ataatsimiinnerata 01/2010 imaqarniliornera**

Nanortalimmi Aningaasanut inatsisikkut 53,0 mio. koruunit immikkoortitaallutik, 55,0 mio. koruuninut pilersaarutaasimagaluanut sanilliullugu.

Illoqarfinnut annerusunut taama annertutigisumik iluarsiisoqarsimanngilaq.

Taamaalilluni Ilulissani iluarsartuussinissaq (Brønlund-ip atuarfia) 69,4 mio. koruuninik naleqalerluni, 83,0 mio. koruuninut pilersaarutaasimagaluanut sanilliullugu.

Qaqortumi Aningaasanut inatsisikkut 77,7 mio. koruunit immikkoortitaallutik, 87,7 mio. koruuninut pilersaarutaasimagaluanut sanilliullugu.

Nuummi Aningaasanut inatsisikkut ASK-imut 69,1 mio. koruunit kiisalu Ukaliusamut 45,1 mio. immikkoortitaallutik, ASK-imut 110,0 mio. koruuninut Ukaliusamullu 94,0 mio. koruuninut pilersaarutaasimagaluanut sanilliullugu.

Taamaakkaluarli Ilulissani Mathias Storch-ip atuarfia, kiisalu Nuummi Nuussuup atuarfia pissarsinerularlutik, tassalu taasaq siulleq 66,5 mio. koruuninik, kiisalu taasaq kingulleq 56,7 mio. koruuninik, Mathias Storch-imut 59,0 mio. koruuninut, kiisalu Nuussuarmi 51,0 mio. koruuninut pilersaarutaasimagaluanut sanilliullugit.

Illoqarfiit annerusut namminneq atuarfinnik iluarsartuussinissap ilaa akilissagaat Kalaallit Nunaanni Namminersornerullutik/Namminersorlutik Oqartussat malunnartumik misilissimagaluarpaat imaluunniit illoqarfinni pineqartuni annikinnerusuinnartigit iluarsartuussinissaq angorusussimagaluarlugu. Peqatigitillugulu kommunit Kalaallit Nunaanni Namminersornerullutik/Namminersorlutik Oqartussat 'neqeroorutaatigit' maluginiarsimavaat akuersaarusunngitsut kingullinngortinneqassasut, allallu sallinngortinneqarlutik.

Namminersorlutik Oqartussat Qeqqata Kommunianut siunnersuutaat kingulleq 122,0 mio. koruuninik naleqarpoq, 162,7 mio. koruuninut pilersaarutaasimagaluanut sanilliullugu. Peqatigitillugulu pilersaarut 2001-meersoq atorneqarluni, akitigullu qaffariaatit iluarsiissutigigaanni 2009-mi 212 mio. koruuninik naleqassagaluarluni. Taamaalilluni illoqarfimmi atuarfiit marluk 2001-mi pilersaarussiaq naapertorlugu iluarsartuunneqassappata 90 mio. koruunit amigaataallutik. Taakkulu 122,0 mio. koruuninut akitigit iluarsiissutitassaat aningaasanut inatsisissani taamatulli amigaataassagu-narmata.

Namminersornerullutik/Namminersorlutik Oqartussat kommunillu 2001-mili Minngortuunnguup atuarfiata iluarsartuunneqarnissaanut missiliuutit arlallit suliaritinnikuuvaat. Missiliuutikkut kingullikkut Masanti-kkut suliaatigit ajornartorsiummik ersersitsilluartuuvoq.

101,7 mio. koruunit atorlugit atuarfiusoq tamakkerlugu B-796 kisiat pinnagu ingutserneqarsinnaavoq, nutaanillu taarserlugu. B-796 ilaatigit kigutileriffeqarfiup inissisimaffigissaa, iluarsartuunneqassaaq.

76,5 mio. koruunit atorlugit atuarfiusup 40 procentiata missaa ingutserneqarsinnaavoq, nutaanillu taarserlugu, sinneralu iluarsartuullugu.

56,4 mio. koruunit atorlugit pigiinnarneqarsinnaagaluarluni tamaallu iluarsartuullugu, 500 m² missaat nutaaliaralugu.

122,0 mio. koruunit atorlugit Namminersorlutik Oqartussat siunnersuutaat naapertorlugu illoqarfimmi atuarfiit marluusut toqqammavianniit Atuarfitsialaap piumasarisaanut naapertuuttumik iluarsartuussisoqarsinnaanngilaq, ukiorpaalussuarmi aggersuni iluarsartuussinissaq pinaveersaarniarlugu.

Sisimiullu Kommuneata aamma 2000-miit immikkut iluarsartuussinernut millionerpaalussuit atortareerpai, ilinniartitsisut atuartullu naammaginakannersumik atugassaqartinniarlugit. Tamakkulu sipaarutitut iluaqutaanissaat naatsorsuutigisariaqarluni, atuarfik Aningaasanut inatsisikkut immikkoortitat atorlugit iluarsartuunneqalerpat.

**Qeqqata Kommunia - Aningaasaqarnermut ataatsimiititaliap januaarip 6-ani 2010-mi
immikkut ittumik ataatsimiinnerata 01/2010 imaqarniliornera**

Allaffeqarfiup naliliinera

Allaffeqarfiup maluginiaqqussavaa, Kalaallit Nunaanni Namminersorlutik Oqartussat 'neqeroorutaat' akuersaartariaanersoq politikikkut aalajangiiffiusussaammat. Nalorninangvittorli aana, atu-arfinni taakkunani marluusuni ilinniartitsisut, atuartut angajoqqaallu Atuarfitsialammut atatillugu naatsorsuutigisaannut aningaasaliissutit naammangivinnerat.

Siunnersuutilli akuersaanginnissaa tulliuuttutigut ajornartorsiutaalersinnaalluni, tassa Sisimiuni illoqarfimmi atuarfiit marluk iluarsartuunneqarnissaat Namminersorlutik Oqartussanit iluarsaassinnissami kingullernut inissinneqarsinnaanera. Tamatumalu kingunerissallugu, ilaatigut Sisimiut illoqarfianni atuarfiit initaasa pitsaanngereersut pitsannguuteqannginnissaat, pingaartumik Minngortuunnguup Atuarfiani, ilaatigullu kommunip iluarsartuutassanut aserfallatsaaliinermut aningaasaliissutaasa qaffattariaqarnissaat, siunissami ilinniartitsisut atuartullu naammaginakannersumik atugassa-qartinniarlugit.

Namminersorlutik Oqartussat siunnersuutaat akuerineqassappat, allaffeqarfik isumaqarpoq, taava Aningaasanut inatsisikkut aningaasaliissutit annerusumik Minngortuunnguup Atuarfiata iluarsartuunneqarnissaanut atornerqartariaqassasut, Nalunnguarfiullu Atuarfiani pisariaqartutiguinnaq iluarsartuussinermut. Atuarfiit marluullutik toqqammavianiit iluarsartuunneqassappata, taava kommunalbestyrelsip sinneruttut 90-100 mio. koruunit tungaanoortut aningaasaliiffisariaqassavai.

Namminersorlutik Oqartussat nutaamik atuarfiliornissamik siunnersuutaat tunuliaqutaralugu, allaffeqarfik sumiiffimmi allami Minngortuunnguup Atuarfianut taarsiullugu nutaamik atuarfiliornissami periarfissanik misissuisimavoq. Tamatumani eqqarsaatigisariaqarluni, Minngortuunnguup Atuarfia sanaartornermit nipiliornermillu taamatullu ukialunni klassenut allanut nuukkallarnernik akornusersorneqassanngitsoq. Peqatigitillugulu periarfissat iluini atuarfik nutaaq Minngortuunnguup Atuarfiata iluarsaanneqarnissaniit orniginarnerussalluni. Tamannalu siunissaq isigalugu pitsaanerpaajussalluni, siunissarlu qaninnerusooq isigalugu iluarnerussallunittaaq.

Ajoraluartumillu Sisimiut qeqqanni periarfissat Nalunnguarfiup Atuarfiata tungaanut killilerujussu-annorgornikuupput, taamaattumillu illoqarfimmi atuarferujussuaqalernissaq sanioqqunneqarsinnaanani. Namminersornerullutik/Namminersorlutik Oqartussat naapertorlugit "inuaqatigiinni aningaasaqarneq pædagogikkilu isigalugit taama aaqqiinissaq pitsaanerpaagunarpoq. Tamatumuuna ingerlatsinikkut allaffissornikkullu aningaasartuutitigut sipaaruteqartoqarsinnaalluni. Peqatigitillugulu ilinniartitsisunik atorluaanissaq atuartunillu agguataarilluarnissaq qulakkeerneqarsinnaallutik. Minngortuunnguup Atuarfiata inissisimaffia siunertanut allanut periarfissanngussaaq".

Taama aaqqiisoqarnissaa Minngortuunnguup Atuarfiani sulisunit atuarfiullu siulersuisunit isumaqataaffigineqanngilaq. Taamaalilluni 2009-p upernaavani akerliussutsimik takutitsisoqarnikuuvoq, tamatumani Minngortuunnguup Atuarfiata marluinnik ingerlariarfeqarluni pigiinnarneqarnissaa anguniarlugu.

Periarfissaq alla tassaasinnaalluni Akiani nutaamik atuarfiliornissaq, alloriarfinnut aggutaakkamik. Isumarli taanna aamma tapersorsorneqarpallaanngilaq, taamatummi aaqqiinissaq aamma arlalitsigut ajornartorsiutitaqassagami, tassa innuttaasut amerlanersaannut illoqarfiullu qeqqani periarfissanut allanut ungasinnermigut.

**Qeqqata Kommunia - Aningaasaqarnermut ataatsimiititaliap januaarip 6-ani 2010-mi
immikkut ittumik ataatsimiinnerata 01/2010 imaqarniliornera**

Allaffeqarfillu isumaqarpoq. Aningaasanut inatsisikkut aningaasaliissutit taama aaqinnissanut nuunneqarsinnaassasut, tamannali sukumiinerusumik misissorneqanngilaq. Namminersornerullutik/Namminersorlutik Oqartussat illoqarfimmi atuarferujussuaqarnikkut iluaqutissat oqaatigisaasa saniatigut, aamma manna iluaqutaasussaassaaq, Sisimiuni ataatsimoorussamik atuarfeqarnissaq, tamatumani nammineerlu tulleriaarisinnaassallugit init qanoq suullu sanaartornissaat iluarsartuunneqarnissaallu. Tamatumuunalu atuarfiup sorliup salliutinneqarnissaa pisariaarutissalluni.

Innersuussut

Siunnersuutigineqassaaq, ilinniartitaanermut, kulturimut sunngiffimmilu ataatsimiititaliap aningaasaqarnermullu ataatsimiititaliap kommunalbestyrelsimut aalajangiiffigisassatut innersuussutigissagaat

Qeqqata Kommuniiani Sisimiut illoqarfianni siunissaq alimasinnerusoq isigalugu Minngortuunnguup Atuarfia taamatullu Nalunnguarfiup Atuarfia pigineqaannassanersut

Qeqqata Kommuniata Minngortuunnguup Atuarfiata Nalunnguarfiullu Atuarfiata iluarsartuunneqarnissaanni, allanngortiterneqarnissaanni ilaneqarnissaannullu tunniussinissamik isumaqatigiissutissaq atsiussaneraa, taamaalillunilu Minngortuunnguup Atuarfiani toqqammavianiit, kiisalu Nalunnguarfiup Atuarfiani pisariaqarnerusutiguinnaq iluarsartuussinerit ingerlanneqassanersut.

Aalajangiineq

Innersuussut akuersissutigineqarpoq.

Qeqqata Kommuniiani Sisimiut illoqarfianni siunissaq alimasinnerusoq isigalugu Minngortuunnguup Atuarfia taamatullu Nalunnguarfiup Atuarfia pigineqaannassasut

Qeqqata Kommuniata Minngortuunnguup Atuarfiata Nalunnguarfiullu Atuarfiata iluarsartuunneqarnissaanni, allanngortiterneqarnissaanni ilaneqarnissaannullu tunniussinissamik isumaqatigiissutissaq atsiorneqassasoq, taamaalillunilu Minngortuunnguup Atuarfiani toqqammavianiit, kiisalu Nalunnguarfiup Atuarfiani pisariaqarnerusutiguinnaq iluarsartuussinerit ingerlanneqassasut.

Ilanngussat

1. Illuutinut Upalungaarsimanermullu Aqutsisoqarfiup februaarip 23-ni 2009-mi allagaa
2. Naalakkersuisunut ilaasortap Tommy Marø-p apriliip 8-ni 2009-mi allagaa
3. Naalakkersuisup Mimi Karlsen-ip novembarip 11-ni 2009-mi allagaa
4. Tunniussinissamik isumaqatigiissutissatut 01.12.2009-mi siunnersuut

Imm. 03 Tamalaat

Soqanngilaq

Ataatsimiinneq naammassivoq nal. 11.08